




華陽圖志

陳仲魚校補本需鶴崗舊物仲木弟周風雨樓弄賦
以今後以之為序讀不勝快弟亦雲之感





華陽國志引



先王之制自二十五家之間書其恭敏任恤等而上
之或月書其學行或歲考其道德故民之賢能表惡
其吏無不與知之者焉漢魏以還井地廢而王政闕
然猶時有所考察旌勸而州都中正之職尚修於群
國鄉閭士女之行多見於史官隋唐急事緩政此制
遂廢而不舉潛德隱行非野史紀述則悉無見於時
民日益漓俗日益卑此有志之士所爲歎惜也晉常
璩作華陽國志於一方人物丁寧反覆如恐有遺雖

蠻髦之民井曰之婦苟有可紀皆著於書且云得之
陳壽所為者舊傳按壽嘗為郡中正故能著述若此
之詳自先漢至晉初踰四百歲士女可書者四百人
亦可謂眾矣復至晉初至于周顯德僅七百歲而史
所紀者無幾人忠寬義骨與塵埃野馬同沒於丘原
者蓋亦多矣豈不重可歎惜哉此書雖繁富不及承
祚之精微然議論忠篤樂道人之善蜀記之可觀未
有過於此者鑠行於世庶有益於風教云宋元豐戊
申秋日呂大防徵仲撰

華陽國志目錄

卷一

巴志

卷二

漢中志

卷三

蜀志

卷四

南中志

卷五

公孫述劉二牧志

卷六

劉先主志

卷七

劉後主志

卷八

大同志



李特雄壽勢志

卷十 執工中二卷 今補全

漢中士女志

梓潼士女志

後賢志

序志

序志後語

附江原士女志

乾隆五十五年冬十一月訪盧弓父先生于杭州新橋之杜經堂借其手校
是書...

目錄終

巴志

晉 常璩著 武林黃嘉惠閱

昔在唐堯洪水滔天鯀功無成聖禹嗣興導江疏河
自川鑿脩封殖天下因古九圍以置九州仰稟參伐
俯壤華陽黑水江漢為梁州厥土青黎厥田惟下上
厥賦惟下中厥貢璆鐵銀鏤砮磬熊羆狐狸織皮於
是四與既宅九州道同六府孔脩庶土交正成昏財
賦成貢中國益時雍之化東被西漸矣歷夏殷周九
州牧伯率職周文為伯西有九國及武王克商并徐

合青省梁合雍而職方氏猶掌其地辨其土壤甄其
寶利起於秦帝漢興高祖藉之成業乃改雍曰涼革
梁曰益故巴漢庸蜀屬益州至魏咸熙元年平蜀始
分益州巴漢七郡置梁州治漢中以相國參軍中山
耿輔爲刺史元康六年廣漢益州更割雍州之武都
陰平荊州之新城上庸魏興以屬焉凡統郡一十一
縣五十八洛書曰人皇始出繼地皇之後兄弟九人
分理九州爲九囿人皇居中州前八輔華陽之壤梁
岷之域是其一囿囿中之國則巴蜀矣其分野與鬼

東井其君上世未聞五帝以來黃帝高陽之支庶世
爲侯伯及禹治水命州巴蜀以屬梁州禹娶於塗山
辛壬癸甲而去生子啓呱呱啼不及視三過其門而
不入室務在收時今江州塗山是也帝禹之廟銘有
焉會諸侯於會稽執玉帛者萬國巴蜀往焉周武王
伐紂實得巴蜀之師著乎尚書巴師勇銳歌舞以凌
殷人倒戈故世稱之曰武王伐紂前歌後舞也武王
既克殷以其宗姬於巴爵之以子古者遠國雖大爵
不過子故吳楚及巴皆曰子其地東至魚復西至鞏

道北接漢中南極黔涪土植五穀牲具六畜桑蠶麻
紵魚鹽銅鐵丹漆茶蜜靈龜巨犀山雞白雉黃潤鮮
粉皆納貢之其果實之珍者樹有荔支蔓有辛蒟園
有芳蕝香茗給客橙葵其藥物之異者有巴戟天椒
竹木之瑣者有桃支靈壽其名山有塗籍靈臺石書
刊山其民質直好義土風敦厚有先民之流故其詩
曰川崖惟平其稼多黍青酒嘉穀可以養父野惟阜
丘彼稷多有嘉穀青酒可以養母其祭祀之詩曰惟
月盈春醴祭彼崖永言孝思享祀孔嘉彼黍既潔彼

儀惟淳蒸命良辰祖考來格其好古樂道之詩曰日
月明明亦惟其名誰能長生不朽難獲又曰惟德實
寶富貴何常我思古人令問令望而其失在於重遲
魯鈍俗素樸無造次辨麗之氣其屬有濮賓苴共奴
獯夷蜚之蠻周之仲世雖奉王職與秦楚鄧爲比春
秋魯桓公九年巴子使韓服告楚請與鄧爲好楚子
使道朔將巴客聘鄧鄧南郟攻而奪其弊巴子怒伐
鄧敗之其後巴師楚師伐申楚子驚巴師魯莊公十
八年巴伐楚克之魯文公十六年巴與秦楚共滅庸

哀公十八年巴人伐楚敗於鄢是後楚主夏盟秦擅
西土巴國分遠故於盟會希與戰國時嘗與楚婚及
七國稱王巴亦稱王周之季世巴國有亂將軍蔓子
請師於楚許以三城楚王救巴巴國既寧楚使請城
蔓子曰藉楚之靈克弭禍難誠許楚王城將吾頭往
謝之城不可得也乃自刎以頭授楚使王歎曰使吾
得臣若巴蔓子用城何爲乃以上卿禮葬其頭巴國
葬其身亦以上卿禮周顯王時楚國衰弱秦惠文王
與巴蜀爲好蜀王弟苴私親於巴巴蜀世戰爭周慎

王五年蜀王伐苴侯苴侯奔巴巴爲求救於秦秦惠
文王遣張儀司馬錯救苴巴遂伐蜀滅之儀貪巴苴
之富因取巴執王以歸置巴蜀及漢中郡分其地爲
二縣儀城江州司馬錯自巴涪水取楚商於之地爲
黔中郡秦昭襄王時白虎爲害自秦蜀巴漢患之秦
王乃重募國中有能煞虎者邑萬家金帛稱之於是
夷胸忍廖仲藥何射虎秦精等乃作白竹弩於高樓
土射虎中頭三節白虎常從羣虎瞋恚盡博煞羣虎
大响而死秦王嘉之曰虎歷四郡害千二百人一朝

患除功莫大焉欲如要王嫌其夷人乃刻石爲盟要
復夷人頃田不租十妻不筭傷人者論煞人顧死俸
錢從蠻夷贖罪貨盟曰秦犯夷輸黃龍一雙夷犯秦輸清酒
一鐘夷人安之漢興亦從高祖定秦有功高祖因復
之毋以射白虎爲事戶歲出資錢口四十故世號白
虎復夷一曰板楯蠻今所謂弼頭虎子者也漢高帝
滅秦爲漢王王巴蜀閬中人范目有恩信方畧知帝
必定天下說帝爲募發資民要與共定秦秦地既定
封目爲長安建章鄉侯帝將討關東資民皆思歸帝

嘉其功而難傷其意遂聽還巴謂目曰富貴不歸故
郡如及緒衣行耳徒封閬中慈鄉侯目固辭乃封渡
馮縣侯故世謂三秦亡范一侯在曰復除民羅朴智
郭度夕藝七姓不供租賦閬中有渝水資民多苦水
空者大惟切勇初爲漢前鋒陣陣銳氣帝善之
因封爲王伐紂之狀也帝令衆人習學之今所謂巴
蠻也天下既定高帝分巴置廣漢郡武帝又
內封置越爲郡故世曰分巴割蜀以爲越廣也自時
厥後凡教雍和茂秀匪遠英偉旣多而風謠勿作故

朝廷有忠貞盡節之臣鄉黨有主文歌詠之音巴郡
譙君黃仕成哀之世爲諫議大夫駁進忠言後違避
王莽又不事公孫述怒遣使齎藥酒以懼之甘黃
笑曰五不肯藥乎其子瑛納錢八百萬得免國人作
詩曰肅肅清節士執德寔固貞違患以投命後世遺
名聲巴郡陳繼山爲漢司隸校尉嚴明正直西虜獻
款王庭試之分公卿以爲婦繼山獨不視京師稱之
巴人歌曰繁塗散直深國人以貞責邪僕不揚曰枉
行不動身爲軌僻乎遠理義協乎民巴郡嚴王恩爲

揚州刺史惠愛在民每當遷官吏民塞路攀轅而遂
留之居官十八年卒百姓若喪考妣義送者齊錢百
萬欲以贖王思家其子徐州刺史不受送更義宗不
忍持送乃散以爲食食行客巴郡太守汝南應季先
善而美之乃作詩曰乘彼西漢潭潭其淵君子愷悌
作民二親後世遺愛式鏡後人漢安帝時巴郡太守
連延道國人風之曰明明上天下上是觀帝選元后
承定民安孰可不念禍福由人願君奉詔惟德日親
乎初中唐漢漢中羌反居延巴郡有馬妙禱妻義王

元憤妻姬趙蔓君妻華夙喪夫執共妾之節守一醮
之禮號曰三貞迨亂兵迫匪懼見拘辱三人同時自
沈於西漢水而沒死有黃鳥鳴其葬處徘徊焉國人
傷之乃作詩曰關關黃鳥爰集于樹窈窕淑女是繡
是黼惟彼繡繡其心匪石嗟爾臨川邈不可獲永建
中泰山吳資元約爲郡守屢獲豐年民歌之曰習習
晨風動澍雨潤乎苗我后卹時務我民以優饒及資
遷去民人思慕又曰望遠忽不見惆悵嘗佷個息濟
實業忘悠悠心永懷孝桓帝時河南李盛曾和爲郡

任力依字

守負財重賦國人刺之曰狗吠何誼誼有吏來在門
披衣出門應府記欲得錢語窮乞請期吏怒反見尤
旋步顧家中家中無可與思往從鄰貸鄰人以言遺
錢錢何難得令我獨憔悴漢末政衰牧守自擅民人
思治作詩曰混混濁沼魚習習激清流温温亂國民
業業仰前脩其德操仁義文學政幹若洛下閎任文
公馮鴻卿龐宣孟玄文和趙温柔龔升侯楊文義等
播名立事言行表世者不勝枚載者也孝安帝元初
三年梁州羌反人漢中殺太守董炳擾動巴中中郎

將尹就討之不克益州諸郡皆起兵禦之三府舉廣漢王堂爲巴郡太守撥亂致治進賢達士貢孝子嚴承隱士黃鑄名儒陳髦俊士張璠皆至大位益州刺史張喬表其尤異徙右扶風民爲立祠孝桓帝以并州刺史秦山但望字伯闔爲巴郡太守勲卹民隱郡文學掾宥渠趙芬弘農馮尤墊江龔榮王祈李溫臨江嚴就胡良文愷安漢陳禧閬中黃閬江州毋成陽舉喬就張紹卒存平直等詣望自訟曰郡境廣遠千里給吏兼將人從冬往夏還夏單冬複淮踰時之後

懷怨曠之思其憂喪吉凶不得相見解緩補綻下至薪菜之物無不躬買於市富者財得自供貧者無以自久是以清儉天枉不聞加以水陸艱難山有猛禽思迫期會墮身江河投死虎口咨嗟之難歷世所苦天之應感乃遭明府欲爲更新童兒疋婦懽喜相賀將去遠就近釋危蒙安縣無數十民無遠邇恩加未生澤及來世巍巍之功勒於金石乞以文書付計掾史人鬼同符必獲嘉報芬等幸甚望深納之郡戶曹史松白望曰芬等前後百餘人歷政訟訴未蒙感悟

明府運機布政稽當皇極爲民庶請命救患德合天
地澤潤河海開闢以來今遇慈父經曰奕奕梁山惟
禹甸之有倬其道韓侯受命比隆等盛於斯爲美永
興二年三月甲午望上疏曰謹按巴郡圖經境界南
北四千東西五千周萬餘里屬縣十四鹽鐵五官各
有丞史戶四十六萬四千七百八十口百八十七萬
五千五百三十五遠縣去郡千二百至千五百里鄉
亭去縣或三四百或及千里土界遐遠令尉不能窮
詰姦凶時有賊發督郵追案十日乃到賊已遠逃蹤

迹絕滅罪逮捕證驗文書詰訊卽從春至冬不能究
訖繩憲未加或遇德令是以賊盜公行姦宄不絕榮
等及隴西太守馮合上谷太守陳弘詭往者至有劫
閩中令楊殷終津侯美吳傷尉蘇鴻彭亭侯孫魯雍
亭侯陳已股侯樂普又有女服賊千有餘人布散千
里不卽發覺謀成乃誅其水陸覆害煞郡椽枳謝盛
等威張御魚復令尹尋主簿胡直若此非一紛吏休
謁往還數千閉囚須報或有彈劾動便歷年吏坐踰
科恐失冬節侵疑先死如當移傳不得待報輒自刑

或長吏忿怒寃枉弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病地勢剛險皆重屋累居教有火害又不相容結舫水居五百餘家承三江之會夏水漲盛壞散顛溺死者無數而江州以東濱江山險其人半楚姿態敦重墊江以西土地平敞精敏輕疾上下殊俗情性不同敢欲分爲二郡一治臨江一治安漢各行桑麻丹漆布帛漁池鹽鐵足相供給兩近京師榮等自欲義出財帛造立府寺不費縣

官得百姓懽悞孝武以來亦分吳蜀諸郡聖德廣被民物滋繁皆置郡土釋民之勞誠聖主之盛業也雖貪大郡以自優暇不忍小民顛顛蔽隔謹具以聞朝議未許遂不分郡分郡之議始於是矣哉順桓之世板楯黠反太守蜀郡趙溫恩信降服於是宕渠出九摠之禾胸恐有連理之木光和二年板楯復叛攻害三蜀漢中州郡連年苦之天子欲大軍出時征役疲弊問益州計曹考以方畧益州計曹掾程包對曰板楯七姓以射白虎爲業立功先漢本爲義民復除徭

後但出賣錢口歲四十其人勇敢能戰昔羌數入漢
中郡縣破壞不絕若線後得板楯來虜彌盡號爲神
兵羌人畏忌傳語種葦勿復南行後建寧後漢作二
延和
年羌復入漢牧守遑遑復賴板楯破之若微板楯則
蜀漢之民爲左社矣前車騎將軍馮緄南征雖授丹
陽精兵亦倚板楯近益州之亂朱龜以井涼勁卒討
之無功太守李頤以板楯平之忠功如此本無惡心
長吏鄉亭更賦至重僕役過於奴婢箠楚隆於囚虜
至乃嫁妻賣子或自剄割陳冤州郡牧守不理去闕

庭遙遠不能自聞含怨呼天叩心窮谷愁於賦役困
乎刑酷邑域相聚以致叛戾非有深謀至計僭號不
軌但選明能牧守益其資穀安便賞募從其利隙自
然安集不煩征伐也昔中郎將尹就伐羌擾動益部
百姓諺云虜來尚可尹將殺我就徵還後羌自破退
如臣愚見權之遣軍不如任之州郡天子從之遣太
守曹謙宜詔降赦一朝清戢獻帝初平元年征東中
郎將安漢趙頴建議分巴爲二郡頴欲得巴舊名故
自益州牧劉璋以墊江以上爲巴郡江南龐羲爲太

守治安漢以江州至臨江爲永寧郡胸忍至魚復爲
固陵郡巴遂分矣建安六年魚復蹇胤白璋爭巴名
璋乃改永寧爲巴郡以固陵爲巴東徙義爲巴西太
守是爲三巴於是涪陵謝本白璋求以丹興漢髮二
縣爲郡初以爲巴東屬國後遂爲涪陵郡分後屬縣
七戶二萬去洛三千七百八十五里東接胸忍西接
蔣縣南接涪陵北接安德漢陽

巴子時雖都江州或治墊江或治平都後治閬中其
先王陵墓多在枳其畜牧在沮今東突峽下畜沮是

也又立市於龜亭北岸今新市里是也其郡東枳有
明月峽廣德嶼故巴亦有三峽巴楚數相攻伐故置
杆關陽關及沔關漢世郡治江州巴水北有柑橘官
今北府城是也後乃還南城劉先主初以江夏費瑾
爲太守領江州都督後都護李嚴更城大城周迴十
六里欲穿城後山自汶江通水入巴江使城爲州求
以五都置巴州丞相諸葛亮不許亮將北征召嚴漢
中故穿山不遽然造蒼龍白虎門別郡縣倉皆有城
嚴子農代爲都督農解後梓潼李福爲都督延熙中

車騎將軍鄧文爲都督治陽關十七年省平都樂城
常安咸熙元年但四縣以鎮西參軍隴西怡思和爲
太守二部守軍 江州縣郡治塗山有禹王祠及塗
后祠北水有銘書詞云漢初犍爲張君爲太守忽得
仙道從此升渡今民曰張府君祠縣下有清水穴巴
人以此水爲粉則膏暉鮮芳貢粉京師因名粉水故
世謂江州墮林粉也有荔支園至熟二千石常設厨
膳命士大夫共會樹下食之縣北有稻田出御米陂
池出蒲蒻蘭帝其冠族有波鈿母謝然惜揚白上官

程常世有大官也

枳縣郡東四百里治涪陵水會

土地礪瘠時多人士有章常連黎牟楊郡冠首也

臨江縣枳東西百里接胸恐有鹽官在監除二溪一

郡所傳其豪門亦家有鹽井又嚴甘文楊杜爲大姓

晉初文立實作常伯納言左右楊宗符稱武隆人在

吳爲孫氏虎臣也 平都縣蜀延熙時省大姓殷呂

蔡氏 墊江縣郡西北中水四百里有桑蠶牛馬漢

時龔榮以後才爲州刺史後有龔楊趙敏令德爲

巴郡太守淳于長寧雅有美貌黎夏杜皆大姓也

樂城縣在西州江三百里延熙十七年省常安縣亦省

巴東郡先主入益州改爲江關都尉建安二十一年

以胸忍魚復羊渠

按晉志巴東郡有羊渠

及宜都巫北井六縣

爲固陵郡武陵康立爲太守章武元年胸忍徐慮魚

復蹇機以失巴各上表自訟先主聽復爲巴東南郡

輔并爲太守先主征吳於夷道還薨斯郡以尚書令

李嚴爲都督造設圍戍嚴還江州征西將軍汝南陳

到爲都督到卒官以征北大將軍南陽宗預爲都督

預還內領軍襄陽羅獻爲代蜀平獻仍其任并凌江

將軍領武陵太守泰始二年吳大將步闡唐咨攻獻

獻保城咨西侵至胸忍故蜀尚書郎巴郡楊宗告急

于洛未還獻出擊闡大破之闡咨退獻遷監軍假節

安南將軍封西鄂侯入朝加錫御蓋朝服吳武陵太

守孫恢寇南浦安蠻護軍楊宗討之退走因表以宗

爲武陵太守任南浦誘卹武陵蠻夷行三縣初附民

獻卒以健爲太守天水楊攸爲監軍攸遷梁州刺史

朝議以唐彬及宗爲代晉武帝問散騎常侍文立曰

彬宗孰可用立對曰彬宗俱立事績在西不可失者
然宗才誠佳有酒嗜彬亦其人性在財欲惟陛下裁
之帝曰財欲可足酒嗜難改遂用彬為監軍加廣武
將軍迄吳平巴東後省羊渠置南浦晉太康初將巫
北井還建平但五縣去洛二千五百里東接建平南
接武陵西接巴郡北接房陵奴獯夷蠻之蠻民 魚
武縣郡治公孫述更各自帝章武二年改曰永安感
熙初復有橘官又有澤水神天旱鳴鼓於傍即雨也
胸忍縣西二百九十里水道有東陽下瞿數灘山

有大小石城並靈壽木鹽井靈龜咸熙元年獻靈龜

於相府大姓扶先徐氏漢時有扶徐荆州着石楚訪

有弼頭白虎復夷者也

着石楚訪曰字未詳 弼其甫切又翹移切弼強貌又渠

文一重音三

漢豐縣建安二十一年置在郤西

北彭溪源 南浦縣郡南三百里晉初置主夷郡郡

與楚接人多勁勇少文學有將帥材

涪陵郡巴之南鄙從枳南入折丹涪水本與楚商於

之地接秦將司馬錯山之取楚商於地為黔中郡也

後恒有郤尉守之舊屬縣五去洛五千一百七十里

東接巴東南接武陵西接牂牁北接巴郡土地山險水灘人多戇勇多獠蠻之民縣邑阿黨鬪訟必死無蠶桑少文學惟出茶丹漆蜜臘漢時赤甲軍常取其民蜀丞相亮亦發其勁卒三千人爲連弩士遂移家漢中延熙十三年大姓徐巨反車騎將軍鄧芝討平之見玄猿緣其山芝性好弩手自射後中之猴子拔其箭卷木葉塞其創芝嘆曰嘻吾傷物之性其將死矣乃移其豪徐蘭謝范五千家於蜀爲獵射官分羸弱配督將韓蔣名爲昉郡軍遂世掌部曲爲大姓晉

初移弩士于馮翊蓮勺其人性質直雖徙他所風俗不變故迄今有蜀漢關中涪陵其爲軍在南方者猶存山有大龜其甲可十其緣可作义世號靈义出涪陵縣郡治 丹興蜀時省山出名丹 漢平縣延熙十三年置 萬寧縣孝靈帝時本名永寧 漢髮縣有鹽井諸縣北有獠蠻又有蠻夷也

巴西郡屬縣七去洛二千八百一十五里東接巴郡南接梓潼北接梁西城土地山原多平有牛馬系蠶人自先漢以來僞儻似儻冠冕三巴及郡分後叔布

榮始周羣父子程公弘等或學兼三才或精秀奇逸
其次馬盛衡承伯才藻清妙龔德緒兄弟英氣曄然
黃公衡應權通變馬德信王子均勻孝興張伯岐建
功立事劉二主之世稱美荆楚乃先漢以來馮車騎
范鎮南皆植斯鄉故曰巴有將蜀有相也及晉譙侯
修文於前陳君煥炳於後並遷雙固倬羣穎世甄在
傳記縉紳之徒不勝次載焉 閬中縣郡治有彭池
大澤名山靈臺見文緯書識大姓有三狐五馬蒲趙
任黃嚴也 南充國縣和帝時置有鹽井大姓侯譙

氏 安漢縣號出人士大姓陳范閻趙 平州縣其
二縣為郡

宕渠郡延熙中置以廣漢王士為太守郡建九年省
永興元年李雄復置今遂為郡長老言宕渠蓋為故
賓國今有賓城虛城秦始皇時有長人二十五丈見
宕渠秦史胡毋敬曰是後五百年外必有異人為大
人者及雄之王祖世出自宕渠有識者皆以為應之
先漢以來士女賢貞縣民中騎將軍馮異大司農玄
賀大鴻臚龐雄桂陽太守李溫等皆建功立事有補

於世緄温各葬所在常以三月二子之靈還鄉里水
暴漲郡縣吏民莫不於水上祭之其列女節義在先
賢志 宕渠縣郡治有鐵官石蜜山圖所採也 漢
昌縣和帝時置大姓勾氏 宜漢縣今省 右巴國
分爲五郡二十三縣

譔曰巴國遠世則黃炎之支封在周則宗姬之戚親
故於春秋班倅秦楚示甸衛也若蔓子之忠烈范目
之果毅風悖俗厚世挺名將斯乃江漢之含靈山岳
之精爽乎觀其俗足以知其敦一矣昔沙麓崩十偃

言其後當有聖女興元城郭公謂王翁孺屬當其時
故有政君李雄宕渠之所伍略陽之黔首耳起自流
隸君獲士民其長人之鬼良有以也

巴志終

漢中志

晉 常璩著 蜀郡劉志曜閱

漢中郡本附庸國蜀周赧王二年秦惠文王置郡因

水名也漢有二源東源出武都氐道漾山因名漾禹

貢疏漾為漢是也西源出隴西岵家山會白水經葭

萌入漢始源曰河故曰漢河在詩曰滔滔江漢南國

之紀其應上昭于天又曰惟天有漢其分野與巴蜀

同占其地東接南郡南接廣漢西接隴西陰平北接

秦川厥壤沃美賦貢所出略侔三蜀六國時楚強盛

此注在卷之六上

漢中志
六
略有其地後爲秦恒成爭地漢高帝既克秦獲子嬰
項羽封高帝爲漢王王巴蜀三十一縣帝不悅丞相
蕭何謀曰雖王漢之惡不猶愈於死乎且語曰天漢
其勢甚美夫能屈於一人之下則伸於萬乘之上者
湯武是也願大王王漢中撫其民以致賢人收用巴
蜀還定三秦天下可圖也帝從之都南鄭及項籍弒
義帝高帝東伐蕭何常居守漢中足食足兵既定三
秦蕭何鎮關中資其衆卒平天下以田叔爲漢中守
屬縣十一去洛一千九十一里叔既饋以軍餼又致

名材立宮室帝嘉之後爲魯相然以帝業所興不封
藩王自叔之後世脩文教有倣儻之士異人並挺鄧
公抗言於孝景之朝以明忠枉之情張騫特以蒙險
遠爲孝武帝開綠邊之地賓沙越之國致大宛之馬
入南海之象而車渠瑪瑙珊瑚琳碧勳寶明珠玳瑁
琥珀水晶琉璃火浣之布蒲桃之酒筇竹蒟醬殊方
奇玩盈於市朝振揚威靈被於幽裔遂登九列杖節
繡衣剖符博望谷口子真秉箕頰之操湛然岳立不
營不求德聲邁流楊王孫應至人之概自建武以後

羣儒修業開按圖緯漢之宰相當出坤鄉於是司徒
李公屢登七政太傅子堅奕世論道其珪璋瑚璉之
器則陳伯臺李季子申伯之徒文秀瑋曄其州牧郡
守冠蓋相繼於西州爲盛蓋濟濟焉莽時公孫述據
蜀跨有漢中當秦隴之徑每懼其害安帝永初二年
陰平武都羌反入漢中殺太守董炳沒略吏民四年
羌復來太守鄭厓出屯襄中欲與羌戰主簿段崇陳
禪以爲但可堅守來虜乘勝其鋒不可當厓不從戰
敗績崇與門下吏王宗原展及崇子勃兄子伯生力

戰捍厓并命功曹程信素居守馳來赴難冒寇殞殮
塵虜遂太盛天子乃拜巴郡陳禪爲漢中太守虜素
憚禪更來盤結禪知攻守未可卒下而年荒民困乃
矯詔赦之大小咸服旣誅其亂首天子善之徙禪左
馮翊太守程信怨耻乃結故吏冠蓋子弟嚴孳李容
姜濟陳巳曹廉勾矩劉旌等二十五人誓志報羌各
募壯士豫結同死以待寇太守鄧成命信爲五官孳
等門下官屬元和二年羌復來巴郡板楯救之信等
將其士卒力奮討大破之信被八創二十五人戰死

漢中志 卷之三
自是後羌不敢南向五年天子下詔褒歎信崇等賜其家穀各千斛宗展孳等家穀各五百斛列書東觀每新太守到必先存問其家以羌畏服陳禪拜禪子澄漢中太守漢末沛國張陵學道於蜀鶴鳴山造作道書自稱太清玄元以惑百姓陵死子衡傳其業衡死子魯傳其業魯字公祺以鬼道見信於益州牧劉焉魯母有少容往來焉家初平中以魯爲督義司馬往漢中斷谷道魯旣至行寬惠以鬼道教立義舍置義米義肉其中行者取之量腹而已不得過過多云

鬼病之其市肆價平亦然犯法者三原而後行刑學道未信者謂之鬼卒後乃爲祭酒巴漢夷民多便之其供通限出五斗米故世謂之米道扶風蘇固爲漢中太守魯遣其黨張脩攻固城固入陳調素遊俠學兵法固以爲門下掾說固守杆禦寇之術固不能用踰墻走投南鄭趙嵩嵩將俱逃賊盛固遣嵩求隱避處嵩未還固又令鈴下偵賊賊得鈴下遂得殺固嵩痛憤仗劍直入調亦聚其實客百餘人攻修戰死魯遂有漢中數害漢使焉上書言米賊斷道至劉焉子

漢中志 四
璋爲牧時魯益驕恣璋怒建安五年殺魯母弟魯率
巴夷杜濩朴胡袁約等叛爲讐敵魯時使使漢朝亦
慢僑帝室以亂不能征就拜中郎將漢寧太守不置
長吏皆以祭酒爲治民璋數遣龐羲李思等討之不
能克而巴夷日叛乃以羲爲巴西太守又遣楊懷高
沛守關頭請劉先主討魯先主更襲取璋二十年魏
武帝西征魯魯走巴中先主將迎之而魯功曹巴西
閭團說魯北降歸魏武贊以大事宜附託不然西結
劉備以歸之魯勃然曰寧爲曹公作奴不爲劉備工

客遂委質魏武武帝拜魯鎮南將軍封襄平侯又封
其五子皆列侯時先主東下江安巴漢稽服魏武以
巴夷王杜濩朴胡袁約爲三巴太守留征西將軍夏
侯淵及張郃益州刺史趙顛等守漢中遷其民於關
隴二十四年春先主進軍攻漢中至定軍淵郃顛來
戰大爲先主所破將軍黃忠斬淵顛首魏武帝復西
征先主先主曰孟德雖來無能爲也我必有漢川矣
先主遂爲漢中王將還成都當得重將以鎮漢中衆
皆以必張飛張飛心亦自許先主乃以牙門義陽魏

延為鎮遠將軍漢中太守先主大會羣臣問延曰今
 委卿以漢中卿居之若何對曰若曹操舉天下而來
 請為大王拒之若偏將十萬而來請為大王吞之衆
 壯其言初魏武之留淵郤也以雞肋示外外人莫察
 惟主簿楊修知之故曰夫雞肋棄之如可惜食之無
 所得以比漢中也是後處蜀魏界固險重守自丞相
 大司馬大將軍皆鎮漢中蜀平梁州治沔陽
 大康中晉武帝子漢王迪受封更曰漢國郡但六縣
 南鄭縣郡治周貞王十六年秦厲公城之有池水

從旱山來入沔大姓李程趙氏 沔陽縣州治有鐵
 官又有度水水有二源一曰清檢二曰濁檢有魚穴
 清水出鮎澗水出鮎常以二月八月取蜀丞相諸葛
 亮葬定軍山 褒中縣孝昭帝元鳳六年置本都尉
 治也山名扶水有唐公房祠也 城固縣蜀時以沔
 陽為漢城城固為樂城蒲池縣 西鄉縣
 魏真郡本漢中西城縣哀平之世縣民錫光字長冲
 為交州刺史徙交趾太守王莽篡位拒郡不附莽方
 有事海內未以為意尋值所在兵遂起自守更始即

祚正其本官世祖嘉其忠節徵拜爲大將軍朝侯祭
酒封鹽水侯後漢中數寇亂縣土獨存漢季世別爲
郡建安二十四年劉先主命宜都太守孟達從秭歸
北伐房陵上庸自漢中又遣副軍中郎將劉封乘河
水會達上庸以申耽弟儀爲建信將軍西城太守達
就降魏黃初二年文帝轉儀爲魏興太守封鄖鄉侯
蜀平遂治西城屬縣六戶萬去洛一千七百土地險
隘其人半楚風俗畧與荊州沔中郡同 西城縣郡
治元康元年封越騎校尉蜀郡何攀爲公國也 錫

縣 安康縣 興晉縣晉置 鄖鄉縣本名長利縣
縣有鄖鄉 洵陽縣洧水所出

上庸郡故庸國楚與巴秦所共滅者也秦時屬蜀後
屬漢中漢末爲上庸郡建安二十四年孟達劉封征
上庸上庸太守申耽稽服遣子弟及宗族請成都先
主拜耽征北將軍封鄖鄉侯仍郡如故黃初中降魏
魏文帝拜耽懷集將軍徙居南陽官上庸并新城孟
達誅後復爲郡屬縣五戶七千去洛一千七百里
上庸縣郡治 北巫縣 安樂縣咸熙元年爲公國

封劉後主也 武陵縣 安富縣 微陽縣 晉書上備郡有

上廉無安樂

新城郡本漢中房陵縣也秦始皇徙呂不韋舍人萬家於房陵以其隘地也漢時宗族大臣有罪亦多徙此縣漢末以為房陵郡建安二十四年孟達征房陵殺太守蒯祺進平三郡與劉封不和封奪達鼓吹關羽圍樊城求助於封達封達以新據山郡未可擾動為辭羽為吳所破殺達既忿封又懼先主見責遂拜書先主告叛降魏魏文帝善達姿才容觀以為散騎

常侍建武將軍襲劉封封敗走達據房陵文帝合三郡為新城以達為太守後蜀丞相諸葛亮將北伐招達為外援故貽書曰嗟乎孟子度邇者劉封侵凌足下以傷先帝待士之望慨然永歎每存天下平素之志豈虛托名載策者哉都護李嚴亦與書曰吾與孔明並受遺詔思得良伴吳王孫權亦招之達遂背魏通吳蜀表請馬弩於文帝撫軍司馬宣王以為不可許帝曰吾為天下主義不先負人當使吳蜀知吾心乃多與之過其所求明帝太和初達叛魏歸蜀時宣

王屯宛知其情乃以書喻之曰將軍昔棄劉備託身

國家委將軍以疆場之任任將軍以圖蜀之事可謂

心貫白日蜀人愚智莫不切齒於將軍諸葛亮欲相

破惟苦無路耳模之所言郭模亮遣詐降非小事也

亮豈輕之而令宜露此殆易知耳達乃以書與亮曰

宛去洛八百去此千二百里聞吾舉事當表上天子

此相反覆一月間也則吾城已固諸軍足辦則吾所

在深險司馬公必不自來諸將來吾無患矣及兵到

楚又告亮曰吾起事八日而兵至城下何其神速也

亮以其數反覆亦不救遂為宣王所誅滅宣王分為

三郡新城屬縣四戶二萬去洛一千六百里 房陵

縣有維山維水所出東入瀘瀘字疑誤 又按巴漢

亦云東人瀘 沔鄉縣 昌魏縣 緩陽縣 右三

郡漢中所分也在漢之東故蜀漢謂之東三郡蜀時

為魏屬荊州晉元康六年始還梁州山水艱阻有黃

金子午馬聰建鼓之阻又有作道九君博士作人處

而其記及漢中記不載又不為李雄所據璩識其大

梗概未能詳其小委曲也

梓潼郡本廣漢屬縣也建安十八年劉先主自葭萌南攻州牧劉璋留中郎將南郡霍峻守葭萌城張魯遣弟楊昂誘峻求共城守峻曰小人頭可得城不可得也昂退劉璋將向存扶禁山巴閬水攻峻歲餘不能克峻衆才八百人存衆萬計更爲峻所破敗退走成都既定先主嘉峻功二十三年分廣漢置梓潼郡以峻爲太守屬縣六戶萬去洛二千八百三十八里東接巴西西南接廣漢西接陰平北接漢中土地出金銀丹漆藥蜜也世有雋彥人侔於巴蜀 梓潼縣郡

治有五婦山故蜀五丁士所拽地崩山處也有善板祠一曰惡子民歲上雷籽十枚歲盡不復見云雷取去四姓文景雍鄧者也 涪縣去成都三百五十里

水通于巴爲蜀東北之要蜀時大將軍鎮之有宕田平稻田孱水出孱山其源出金銀鑛洗取火融合之爲金銀陽泉出石丹大司馬蔣琬葬此大姓楊杜李人士多見耆舊也 晉壽縣本葭萌城劉氏更曰漢壽水通于巴西又入漢川有金銀鑛民今歲歲取洗之蜀亦大將軍鎮之漆藥蜜所出也大將軍費禕葬

此山大姓葬此者多 白水縣有關尉故州牧璋將
楊懷高沛守也 廣漢縣 德陽縣 有劔閣道三
十里至險有關尉桑下兵民也

武都郡本廣漢西部都尉治也元鼎六年別爲郡屬
縣九戶萬去洛一千八百七十八里東接梓潼西接
天水北接始平土地險阻有麻田氏僂多羗戎之民
其人半秦多勇戇出名馬牛羊漆蜜有瞿推百頃峻
勢氏僂常依之爲叛漢世數征討之分徙其羗遠至
酒泉徵望其攻戰壘成處所亦多建安二十四年先

主遣將軍雷同吳蘭平之爲魏將曹洪所破殺魏益
州刺史天水楊阜治此郡阜以潰蜀境移其氏僂於
汧雍及天水略陽建興七年丞相諸葛亮遣護軍陳
戒伐之遂平武都陰平二郡還屬益州魏將夏侯淵
張郃徐晃征伐常山此郡而蜀丞相亮及魏延姜維
等多從此出秦川遂荒無晉民其氏僂楊濮屬魏魏
遂置其郡屬蜀蜀平屬雍州太康六年還梁州八年
氏僂齊萬年反郃繼其寇晉民流徙入蜀及梁州永
嘉初天水氏僂楊茂搜率種人爲寇保據其郡貢獻

長安愍帝以胡寇方盛欲懷來戎翟拜驃騎將軍左
賢王劉曜破長安丞相平昌公上隴據天水茂搜數
饋平昌公拜茂搜長子難敵征南將軍少子堅頭龍
驤將軍種衆彊盛東破梁州南連李雄威服羗戎時
平昌公爲劉曜所破陳安作賊于時并氏僂如一國
茂搜死敵堅代爲主數歲曜自攻武都敵堅南奔雄
至晉壽遣子爲質又厚賂雄兄晉壽守將稚曜不獲
敵堅引還武都恃嶮驕慢攻走雄陰平太守羅演演
稚舅也稚忿恚白兄舍與雄求征之雄使舍將稚數

千人攻之時敵妻死葬於陰平舍稚征至下辨入武
街城以深入無繼盡爲氏僂所破然敵堅死子磐毅
復代爲主按下辨縣名有赤亭咸康四年敵從弟初然磐毅兄
弟代爲主迄今自茂搜父子之結據也通晉家及季
雄劉曜石勒石虎張駿皆稱臣奉貢受其官號所向
用其官及其年號下辨縣郡治一曰武街武都縣
東漢水所出有天地澤一本云天地澤上祿故道縣河
池縣泉街縣水入沮合漢也沮縣河池水所出
東狼谷也上祿故道二縣名俱屬武都郡平樂縣脩武縣嘉

陵縣

陰平郡本廣漢北部都尉永平後羗虜數反遂置爲郡屬縣四戶萬去洛二千三百四十四里東接漢中南接梓潼西接隴西北接酒泉土地山嶮人民剛勇多氏使育黑白水羗紫羗胡虜風俗所出與武都畧同漢安帝永初二年羗反燒郡城郡人退住白水會漢陽諸羗反溢入漢殺太守漢陽杜琦自稱將軍叛亂廣漢郡屯葭萌漢使御史大夫唐喜討琦進討羗經年不下詔賜死更遣中郎將尹就討羗亦無功諸

郡太守皆屯涪元初五年巴郡板楯軍救漢中漢中大破羗羗乃退郡復治置助郡都尉劉先主之入漢中也爭二郡不得建興七年諸葛亮始命陳戒平之魏亦造置其郡屬雍州自景谷有步道徑江由左僭行出涪鄧艾從之伐蜀元康六年還蜀梁州永嘉末太守王鑿粗暴郡民毛深左騰等逐出之相率降李雄晉民盡出蜀氏羗爲楊茂搜所占有一陰平縣郡治漢曰陰平道也 甸氏縣有白水出徼外入漢平武縣有關尉自景谷有步道徑江由左僭出涪鄧

交伐蜀道也則主時置義守號關尉 剛氏縣涪水

所出有金銀鑛 右梁州

誤曰漢沔彪炳靈光上照在天鑒為雲漢於地畫為
梁州而皇劉應之洪祚攸長蕭公之云不亦宜乎

漢中志終

